

韩
柳
散
文
集

韓柳散文選目次

編者例話……………(一)

上編 韓愈文

原道……………(一)

原性……………(一〇)

雜說二首……………(一五)

五箴并序……………(一七)

獲麟解……………(二二)

伯夷頌……………(二四)

坊者王承福傳……………(二六)

燕喜亭記……………(三一)

毛穎傳……………(三五)

與孟東野書……………(四一)

答崔立之書……………(四三)

答李翊書……………(四九)

送孟東野序……………(五三)

送王秀才序……………(五七)

歐陽生哀辭……………(五九)

祭十二郎文……………(六五)

平淮西碑……………(七一)

鱸魚文……………(八四)

論佛骨表……………(八七)

柳子厚墓誌銘……………(九五)

下編 柳宗元文

辯列子……………(一〇三)

辯鬼谷子……………(一〇五)

辯晏子春秋……………(一〇七)

捕蛇者說……………(一一〇)

宋清傳……………(一一四)

種樹郭橐駝傳……………(一一七)

童區寄傳……………(一二〇)

三戒……………(一二三)

愚溪詩序……………(一二八)

邕州馬退山茅亭記……………(一三一)

永州萬石亭記……………(一三四)

永州龍興東丘記……………(一三七)

永州法華寺新作西亭記……………(一四〇)

游黃溪記……………(一四二)

始得西山宴遊記……………(一四五)

鈞錡潭記……………(一四八)

鈞錡潭西小丘記……………(一四九)

✓ 至小丘西小石潭記·····	(一五二)
✓ 小石城山記·····	(一五三)
序綦·····	(一五五)
柳州東亭記·····	(一五七)

韓柳散文選

上編

韓愈文

原道

博愛之謂仁，行而宜之之謂義。由是而之焉之謂道，足乎己，無待於外之謂德；仁與義爲定名！道與德爲虛位，故道有君子小人，而德有凶有吉。老子之小仁義，非毀之也，其見者小也；坐井而觀天，曰「天小」者，非天小也，彼以煦煦爲仁，孑孑爲義，其小之也則宜。其所謂道，道其所謂道也，非吾所謂道也；其所謂德，德其所德，非吾所謂德也；凡

吾所謂道德云者，合仁與義言之也，天下之公言也，老子之所謂道德云者，去仁與義言之也，一人之私言也。周道衰，孔子沒，火於秦^①，黃老於漢^②，佛於晉魏梁隋之間^③，其言道德仁義者，不入於楊^④，則入於墨^⑤，不入於老，則入於佛。入於彼，必出於此^⑥，入者主之，出者奴之^⑦，入者附之，出者汙之^⑧。噫！後之人其欲聞仁義道德之說，孰從而聽之！老者曰：「孔子，吾師之弟子也」。佛者曰：「孔子，吾師之弟子也」。爲孔子者^⑨，習聞其說，樂其誕^⑩而自小也，亦曰：「吾師亦嘗云爾」^⑪。不惟舉之於其口，而又筆之於其書，噫；後之人雖欲聞仁義道德之說，其孰從而求之！甚矣，人之好怪也！不求其端，不訊其末^⑫，惟怪之欲聞。

〔註〕①原道，明道之所本。②義者宜也。③是，謂仁義。之，往也。④足

乎己，仁義足乎己也。⑤舍仁義無以成道德，故道德爲虛，因仁義而實，

佛老不知道德自仁義中出，欲專自虛無上做起，故揭此旨。⑥道德而出於

仁義者，則爲君子及吉德，不出於仁義者，卽爲小人之道及凶德，凶德如

盜賊藏姦，吉德如孝敬忠信。⑦老子，姓李，名耳，字伯陽，諡曰聃，相

傳孕八十一歲而生，故稱老子。小仁義，言以仁義爲小也。⑧煦煦，小惠

也。⑨子子，孤立也。⑩秦始皇，從李斯言，燒詩書百家語。⑪漢代

好黃帝老子之言。⑫晉魏梁隋佞佛，南以晉梁括之，北以魏隋括之。⑬

楊，楊朱，戰國時人，倡爲我之說，拔一毛而利天下，不爲也。⑭墨，墨

翟，亦戰國人，倡兼愛尙同之說。⑮言入於楊墨佛老者，必出離聖人之學

。⑯言入異端者，必以異端爲主，而以聖人之學爲奴。⑰言入異端者，

必附和其說，而以聖人之學爲汙也。

①老者，謂學老子者。

②佛者，謂學

佛者。

③爲孔子者，謂學孔子者。

④誕，欺也。

⑤言學孔子者亦曰吾

師亦嘗言之如是。嘗下或有師之二字。

⑥訊，問也。

古之爲民者四，今之爲民者六。①，古之教者處其一。②，今之教者處其三。③農之家一，而食粟之家六。④，工之家一，而用器之家六，賈之家一，而資焉。⑤之家六，奈之何民不窮且盜也！古之時，人之害多矣，有聖人者立，然後教之以相生養之道，爲之君，爲之師，驅其虫蛇禽獸而處之中土，寒，然後爲之衣，飢，然後爲之食，木處而顛。⑥，土處而病也，然後爲之宮室，爲之工以贍。⑦其器用，爲之賈以通其有無，爲之醫藥以濟其天死，爲之埋葬祭祀，以長其恩愛，爲之禮，以次其先後

，爲之樂，以宣其壹鬱^⑦，爲之政，以率其怠勸^⑧，爲之刑，以鋤其強梗，相欺也，爲之符璽斗斛權衡以信之，相奪也，爲之城郭甲兵以守之，害至而爲之備，患生而爲之防；今其言曰：「聖人不死，大盜不止，剖斗折衡，而民不爭」^⑨。嗚呼！其亦不思而已矣！如古之無聖人，人之類滅久矣，何也？無羽毛鱗介^⑩以居寒熱也，無爪牙以爭食也。是故君者，出令者也，臣者，行君之令而致之民者也，民者，出粟米麻絲作器皿通貨財以事其上者也，君不出令，則失其所以爲君，臣不行君之令而致之民，民不出粟米麻絲作器皿通貨財以事其上，則誅；今其法曰：「必棄而君臣，去而父子，禁而相生養之道」^⑪，以求其所謂清淨寂滅者」^⑫。嗚呼！其亦幸而出於三代之後，不

見黜 禹湯文武周公孔子也！其亦不幸而不出於三代之前，不見正於禹湯文武周公孔子也！帝之與王，其號雖殊，其所以爲聖一也，夏葛而冬裘，渴飲而飢食，其事殊，其所以爲智一也；今其言曰：「曷不爲太古之無事」：是亦責冬之裘者曰：曷不爲葛之之易也，責飢之食者曰：曷不爲飲之之易也。傳曰：「古之欲明明德於天下者，先治其國，欲治其國者，先齊其家，欲齊其家者，先修其身，欲修其身者，先正其心，欲正其心者，先誠其意」^①。然則古之正所謂正心而誠意者，將以有爲也^②；今也欲治其心，而外天下國家，滅其天常，子焉而不父其父，臣焉而不君其君，民焉而不事其事。孔子之作春秋也^③，諸侯用夷禮，則夷之^④。進於中國，則中國之^⑤。經曰：「夷狄

之有君。不如諸夏之亡」^九。詩曰：「戎狄是膺，荆舒

^十今也舉夷狄之法，而加之先王之教之上，幾何其不胥而爲夷也^三！

〔註〕^一古惟士農工商四民，今加佛老而爲六。^二古惟一聖人之教，今加佛老爲

三。^四六，士農工商佛老也。下同。^四資，賴以給也。^五顛，隕也。

^六瞻，給也，足也。^七壹，同湮，塞之義。^八率，督率。勸，同倦。疲

也，懈也。^九語見莊子。^十介，甲也。^{十一}三而字皆訓爲汝。^{十二}清淨

，謂老。寂滅，謂佛。^{十三}言皆不愧爲聖智。^{十四}語見禮大學。^{十五}言將擴

而大之，以齊家治國，非若釋氏之正心誠意之爲己也。^{十六}春秋，魯記史之

書，孔子刪定之。^{十七}魯僖公二十三年，杞君卒，用夷禮，孔子記其事，貶

其名稱曰子。^{十八}進於二字上或有夷而二字。^{十九}語見論語。^{二十}語見詩魯

頤。膺，擊也，荆，楚也，舒，楚東境之國，古皆以爲蠻夷。懲，懲創之也。
。胥，皆也。此段申說上段之意也。

夫所謂先王之教者何也？博愛之謂仁，行而宜之之謂義，由是而之焉之謂道，足乎己無待於外之謂德，其文詩書易春秋，其法禮樂刑政，其民士農工賈，其位君臣父子師友賓主昆弟夫婦，其服麻絲，其居宮室，其食粟米果蔬魚肉：其爲道易明，而其爲教易行也。是故以之爲己，則順而祥，以之爲人，則愛而公，以之爲心，則和而平，以之爲天下國家，無所處而不當，是故生則得其情，死則盡其常，郊焉而天神假，廟焉而人鬼饗。曰：斯道也，何道也？曰：斯吾所謂道也，非向所謂老與佛之道也，堯以是傳之舜，舜以是傳之禹，禹以是

傳之湯，湯以是傳之文武周公，文武周公傳之孔子，孔子傳之孟軻，軻之死，不得其傳焉，荀與揚也^四，擇焉而不精，語焉而不詳，由周公而上，上而爲君，故其事行^五，由周公而下，下而爲臣，故其說長^六。然則如之何而可也？曰：不塞不流，不止不行^七，人其人^八，火其書，廬其居^九，明先王之道以道之^十，鰥寡孤獨廢疾者有養也^{十一}，其亦庶乎其可也。

〔註〕^一盡其常，謂終其天年。

^二古時祀天於南郊，祀地於北郊，故郊者，謂祀

天地也。假，音格（《玉》），至也。

^三廟，祀於宗廟。人鬼，祖宗也，

^四荀，荀卿，名況，戰國時趙人，倡性惡之說，揚，揚雄，字子雲，漢時人

，著法言及太玄等。

^五行，得位以行道。

^六長，立言以明道。

^七言佛

老之道不塞不止，聖人之教不流不行也。

^八人其人，言僧道俱令還俗也。

①廬其居，言寺觀皆改作民屋也。

②下道字同導。

③老而無妻曰鰥。老

而無夫曰寡。幼而無父曰孤，老而無子曰獨。廢同廢；廢疾，癰病。以無佛

老之害，故窮民皆得其所養。

原性

性也者，與生俱生也，情也者，接於物而生也。性之品有三，而其所以爲性者五，情之品有三。而其所以爲情者七。曰：何也？曰：性之品有上中下三，上焉者，善焉而已矣，中焉者，可導而上下也，下焉者，惡焉而已矣。其所以爲性者五，曰仁。曰禮，曰信，曰義，曰智。上焉者之於五也，主於一而行於四①；中焉者之於五也，一不少有焉，則少反焉，其於四

也混^二；下焉者之於五也，反於一而悖於四。^三性之於情視其品^四。情之品有上中下三。其所以爲情者七，曰喜，曰怒，曰哀，曰懼，曰愛，曰惡，曰欲。上焉者之於七也，動而處其中焉者之於七也，有所甚，有所亡^五，然而求合其中者也；下焉者之於七也，亡與甚直情而行者也^六，情之於往視其品。〔註〕^一主於一，主於仁也。四者，禮信義智也。^二言中人之性，於五者之中，

其一非少有而偏少，卽少反而偏多，其四者亦雜而不純。^三悖，亂也。

^四言視性之品之上中下，而得情之中與否。^五甚，過也。亡，不及也。

^六直情而行，言皆往而不反。

孟子之言性曰：「人之性善」。荀子之言性曰：「人之性惡」。揚子之言性曰：「人之心善惡混」^一。夫始善而進惡歟？！